

**JAVNA USTANOVA ZAVOD ZA MEDICINU RADA
KANTONA SARAJEVO**

Na osnovu člana 35. i 36. Statuta Javne ustanove Zavod za medicinu rada Kantona Sarajevo („Službene novine Kantona Sarajevo“, broj: 45/13 i 47/13), člana 6. Pravilnika o radu, unutrašnjoj organizaciji, sistematizaciji radnih mjesta i plaćama radnika Zavoda, broj: 02-374/18 od 19.04.2018. godine i broj: 02-1475-1/19 od 29.11.2019. godine (izmjene i dopune), Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općina, te u privrednim društvima u kojima kanton, grad ili općina učestvuju sa više od 50% ukupnog kapitala ("Službene novine Kantona Sarajevo", broj: 9/19 i 21/19), zaključka Vlade Kantona Sarajevo, broj: 02-048135-11/20 od 19.03.2020. godine, raspisuje:

**JAVNI OGLAS
za prijem u radni odnos na neodređeno vrijeme**

Javna ustanova Zavod za medicinu rada Kantona Sarajevo, raspisuje Javni oglas za prijem u radni odnos na neodređeno vrijeme, za pozicije:

- 1. Specijalista radiologije u Specijalističkoj službi sa dijagnostikom - 1 (jedan) izvršilac**
- 2. Poslovni psiholog-konzultant u Specijalističkoj službi sa dijagnostikom - 1 (jedan) izvršilac**

I

Opis radnog mjesta:

1. Specijalista radiologije u Specijalističkoj službi sa dijagnostikom

- obavlja radiološku dijagnostiku respiratornog sistema,
- radiološku dijagnostiku lokomotornog sistema,
- radiološku dijagnostiku kardiovaskularnog, probavnog i urogenitalnog sistema,
- ultrazvučnu dijagnostiku,
- interpretaciju rentgenoloških nalaza,
- vrši pregled bolesnika,
- radi na kontinuiranoj ličnoj edukaciji i edukaciji zdravstvenih saradnika,
- obavlja i druge poslove prema potrebi,
- za svoj rad odgovara neposredno odgovornom ljekaru ili direktoru.

2. Poslovni psiholog-konzultant u Specijalističkoj službi sa dijagnostikom

- vrši analizu uslova u radnoj sredini,
- obavlja poslove poslovnog psihologa - konzultanta u timskom radu pri obavljanju svih preventivnih pregleda: prethodnih, periodičnih i sistematskih pregleda,
- učestvuje u timskom radu u rješavanju problema radnika koji pate od različitih profesionalnih oboljenja,
- učestvuje timski pri rješavanju radnika koji polažu pravo na promjenu radno mjesta ili su već invalidi rada,
- vrši testiranje kandidata za vozače motornih vozila, učestvuje pri kontrolnim pregledima profesionalnih vozača,
- vrši motivaciju zaposlenih i smanjuje apsentizam i prezentizam,
- analizira i unapređuje rad i zadovoljstvo radnika,
- primjenjuje vještine psihološkog i poslovnog konsaltinga,
- prema potrebi obavlja i druge poslove iz domena struke,
- za svoj rad odgovara neposredno direktoru.

II

Kandidati su dužni da ispunjavaju slijedeće uslove:

- da je državljanin BiH,
- da ima opću zdravstvenu sposobnost za navedenu poziciju,
- da nije kažnjavan iz oblasti privrednog prestupa i da mu nije izrečena zaštitna mjera zabrane vršenja poziva, djelatnosti.

III

Kandidati, pored uslova iz tačke II ovog Oglasa, treba da ispunjavaju i posebne uslove, i to za radno mjesto:

1. Specijalista radiologije u Specijalističkoj službi sa dijagnostikom

- VSS - dr medicine, specijalista radiolog ili specijalista dijagnostičke radiologije, 1 godina radnog staža.

2. Poslovni psiholog-konsultant u Specijalističkoj službi sa dijagnostikom

- VSS - poslovni psiholog ili visoko obrazovanje drugog ciklusa bolonjskog sistema studiranja koji se vrednuje sa 300 ECTS studijskih bodova, 1 godina radnog iskustva u struci.

IV

Uz svojeručno potpisanu prijavu na Oglas, kandidati su dužni priložiti kraću biografiju i dokaze o ispunjavanju općih i posebnih uslova (original ili ovjerene kopije);

- uvjerenje o državljanstvu (ne starije od 6 mjeseci),
- izvod iz matične knjige rođenih,
- ljekarsko uvjerenje o zdravstvenoj sposobnosti (napomena: ovaj dokaz će dostaviti kandidat koji bude izabran),
- potpisana izjava kandidata i ovjerena od strane nadležnog organa, da mu nije izrečena zaštitna mjera zabrane vršenja poziva, djelatnosti,
- diploma o završenom školovanju,
- uvjerenje o položenom stručnom ispitu (za poziciju 1.),
- uvjerenje o položenom specijalističkom ispitu (za poziciju 1.),
- potvrda o radnom stažu.

Prioritet u zapošljavanju imaju lica utvrđena u članu 23. Zakona o dopunskim pravima boraca branitelja BiH ("Sl.novine Kantona Sarajevo", broj: 45/12 i 26/14).

Prijava sa potrebnom dokumentacijom dostavlja se lično ili preporučenom pošiljkom, sa naznakom **„Prijava na Javni oglas za prijem u radni odnos na neodređeno vrijeme“**. Prijave se dostavljaju na adresu: **JU Zavod za medicinu rada Kantona Sarajevo, Bulevar Meše Selimovića broj 2, Sarajevo, do 18.05.2020. godine.**

Prijave podnose nakon isteka roka, odnosno bez potpune tražene dokumentacije, neće se uzeti u razmatranje.

Sa kandidatima koji budu ispunjavali tražene uslove biće obavljen pismeni i usmeni ispit, o čemu će biti blagovremeno obaviješteni.